

OPĆINSKI SUD U GORAŽDU
Broj: 045-0-Su-09-000 034

IZVJEŠTAJ

o radu Općinskog suda u Goraždu za 2008. godinu

Goražde, januar 2009. godine

- UVODNE NAPOMENE –

U 2008. godini Općinski sud u Goraždu rješavao je predmete u okviru svoje stvarne nadležnosti propisane odredbama člana 27. Zakona o sudovima u Federaciji Bosne i Hercegovine (« Službene novine Federacije Bosne i Hercegovine » broj 38/05.), te Zakona o izmjenama i dopunama Zakona o sudovima u Federaciji Bosne i Hercegovine («Službene novine Federacije BiH» broj:22/06).

Članom 22. Zakona o sudovima u Federaciji Bosne i Hercegovine je propisano da Općinski sud u Bosansko-podrinjskom kantonu Goražde je Općinski sud u Goraždu za područja Općina: Goražde , Pale-Prača i Foča-Ustikolina.

Članom 94. stav 1. i 3. Pravilnika o unutrašnjem sudskom poslovanju („Službeni glasnik BiH“ broj 57/08), propisano je da sud podnosi godišnji izvještaj o svom radu za proteklu godinu Visokom sudskom i tužilačkom vijeću Bosne i Hercegovine, nadležnom ministarstvu pravde i neposredno višem sudu do 31. januara naredne godine.

- I –

PRILIV I RJEŠAVANJE PREDMETA , OSVRT NA STANJE AŽURNOSTI RADA SUDA U 2008. GODINI ,

Broj prenesenih neriješenih predmeta iz 2007. godine, broj zaprimljenih, riješenih i nezavršenih predmeta u 2008. godini je slijedeći :

Prenešeni predmeti iz 2007. godine	PRILIV u 2008. godini	UKUPNO U RADU u 2008. godini
6.257	8.419	14.676

Rješeno predmeta u 2008. godini	Nerješeno predmeta na dan 31.12.2008. godine
10.880 – 74 %	3.796 – 26 %

Iz tabele se vidi da je u 2008. godini ukupno u radu po svim referatima bilo 14.676 predmeta, od čega je riješeno 10.880 predmeta ili u procentima 74 %, a da je ostalo neriješenih 3.796 predmeta ili u procentima 26%.

Kvantitet riješenih predmeta je i u ovoj godini izuzetno uspješan, a ostvarena kolektivna norma suda je:

Predmeti su procesuirani i rješavani dinamikom predviđenom važećim procesnim zakonima, a odluke donošene u zakonskim rokovima.

Pregled kvaliteta rada suda u 2008. godini prikazan je u slijedećoj tabeli:

Odluke po redovnom pravnom lijeku	Ukupno	%
Potvrđene odluke	915	96,12
Ukinute odluke	18	1,89
Preinačene odluke	13	1,37
Odbačene žalbe	6	0,62
UKUPNO	952	100

Odluke po vanrednom pravnom lijeku	Ukupno	%
Revizija odbačena	15	78,94
Revizija djelimično usvojena	2	10,53
Revizija usvojena	0	0,00
Prijedlog za ponavljanje postupka odbijen	2	10,53
UKUPNO	19	100

Ostvarena kolektivna norma suda u 2008. godini izražena u procentima iznosi 138,94 %.

- II -

KRIVIČNO –PRAVNA OBLAST

Stanje predmeta iz krivične oblasti je slijedeće :

Red. br.	Vrsta predmeta	Prenešeno iz 2007.	Primljeno u 2008.	Ukupno u radu u 2008.	Rješeno u 2008.	Nerješeno u 2008.
1.	Krivični (K)	31	77	108	79	29
2.	Maloljetnički (Km)	0	9	9	8	1
3.	Sudija za predhodno saslušanje (Kps)	33	51	84	67	17
4.	Sudija za predhodni postupak (Kpp)	0	9	9	9	0
5.	Izvršenje kaznenih sankcija (Iks)	3	15	18	16	2
6.	Odluke krivičnog vijeća (Kv)	0	14	14	12	2

7.	Odluke po zahtjevu za pomilovanje (Kp)	0	0	0	0	0
	UKUPNO :	67	175	242	191 79 %	51 21 %

U krivično –pravnoj oblasti iz 2007. godine prenesena su 67 predmeta , zaprimljeno u 2008. godini 175 predmeta, tako da je u radu ukupno bilo 242 predmeta, od čega je završeno 191 predmeta ili u procentu 79 %, a ostalo je nezavršenih 51 predmeta ili u procentima 21 %.

Struktura primljenih predmeta u krivičnom («Kps», «K») kao osnovnom referatu u ovoj oblasti je slijedeća :

R.BR.	NAZIV KRIVIČNOG DJELA DJELA	Kps	K	UKUPNO
1.	Zloupotreba ovlasti u privrednom poslovanju	1	0	1
2.	Teška krađa	4	5	9
3.	Zloupotreba čeka i kartice	1	0	1
4.	Krađa	19	4	23
5.	Računalna prevara	1	1	2
6.	Mučenje i ubijanje životinja	0	1	1
7.	Napad na službenu osobu u vršenju poslova sigurnosti	0	1	1
8.	Lake tjelesne povrede	4	3	7
9.	Nasilničko ponašanje	0	2	2
10.	Izbjegavanje izdržavanja	0	2	2
11.	Nepružanje pomoći	0	1	1
12.	Izazivanje opće opasnosti	1	0	1
13.	Ugrožavanje javnog prometa	2	1	3
14.	Sprečavanje službene osobe u vršenju službene radnje	1	1	2

15.	Oštećenje tuđe stvari	1	0	1
16.	Ubistvo na mah	1	2	3
17.	Sudjelovanje u tuči	0	1	1
18.	Spolni odnošaj zloupotrebom položaja	0	1	1
19.	Teška tjelesna ozleda	6	3	9
20.	Nedopušteno držanje oružja ili eksplozivnih tvari	2	1	3
21.	Zapuštanje ili zlostavljanje djeteta ili maloljetnika	0	1	1
22.	Oduzimanje tuđe pokretnine	1	0	1
23.	Oduzimanje djeteta ili maloljetnika	1	1	2
24.	Ugrožavanje sigurnosti javnog prometa	3	2	5
25.	Izvanbračna zajednica sa mlađim maloljetnikom	0	1	1
26.	Neovlaštena proizvodnja i stavljanje u promet opojnih droga	4	4	8
27.	Nasilje u porodici	5	1	6
28.	Narušavanje nepovredivosti doma	0	1	1
29.	Zloupotreba položaja ili ovlasti	1	1	2
30.	Posjedovanje i omogućavanje uživanja opojnih droga	20	9	29
31.	Šumska krađa	6	6	12
32.	Uništenje ili oštećenje važnih privrednih objekata ili javnih naprava	0	1	1
33.	Krivotvorenje isprave	2	2	4
	UKUPNO	87	60	147

Nakon provedenih i okončanih postupaka u ovoj oblasti donesene su odluke kako slijedi:

Red. Br.	Odluka	« K »	« Kps »	Ukupno
1.	Osudjujuća	80	0	80

2.	Oslobadjajuća	10	0	10
3.	Zastara ili amnestija	2	0	2
4.	Rješenje o povlačenju optužnice	1	1	2
5.	Postupak obustavljen	1	0	1
6.	Odbijajuća	1	0	1
7.	Ustupljeno drugim sudovima	0	0	0
8.	Optužba odbačena	0	0	0
9.	Obavezna mjera liječenja	0	0	0
10.	Pripojen drugom spisu	7	1	8
11.	Iz «Kps» prešlo u «K»	0	17	17
12.	Postupak u toku	27	1	28
13.	Vraćeno u „Kps“	0	0	0
UKUPNO :		127	20	149

Kaznena politika je bila adekvatna i srazmjerna težini učinjenih krivičnih djela i stepenu krivične odgovornosti izvršilaca.

Sudije koje rade na krivičnim predmetima prisustvovala su određenom broju obaveznih edukativnih seminara po Programu koji je obavezan za sve sudije (ispunjen minimum dana) , a koji provodi Javna ustanova Centar za edukaciju sudija i tužilaca, pa se s pravom mogu očekivati još bolji rezultati u radu .

- III -

GRADJANSKO-PРАВNA OBLAST

Pregled stanja predmeta iz građansko-pravne oblasti je slijedeći :

Red br.	Vrsta predmeta	Prenešeno iz 2007	Primljeno u 2008	Ukupno u radu u 2008	Rješeno u 2008	Nerješeno sa 31.12.2008
1.	Parnični (P)	178	281	459	325 – 71%	134-29%
2.	Malični (Mal)	121	1455	1576	1334-85%	242-15%
3	Privredni malični (Mals)	18	85	103	82-79%	21-21%
4	Ostavinski (O)	115	312	427	341-80%	86-20%
5	Vanparnični (V)	30	420	450	385-85%	65-15%
6	Izvršni (I)	3356	1964	5320	3673-69%	1647-31%
7	Izvršni privredni (Ip)	56	137	193	152-79%	41-21%

10.	Privredni spor (Ps)	9	43	52	33-63%	19-37%
UKUPNO :		3883	4697	8580	6325 74 %	2255 26 %

U građansko-pravnoj oblasti iz 2007. godine preneseno je 3.883. predmeta , zaprimljeno u 2008. godini 4.693 predmeta , tako da je ukupno u radu bilo 8.580 predmeta, od čega je završeno i riješeno 6.325 predmeta ili u procentima 74 % , a ostalo neriješenih 2.256 predmeta ili u procentima 26 % .

Najveći priliv predmeta, kao i ranije u ovoj oblasti bio je u predmetima male vrijednosti «Mal» i izvršnim predmetima «I».

U 2008. godini riješeno je 3.673 izvršnih predmeta („ I „), što je više za 2322 predmeta u odnosu na broj završenih izvršnih predmeta u 2007. godini.

Po strukturi predmeta male vrijednosti («Mal») može se konstatovati da se radi o predmetima u kojima se kao tužioci pojavljuju kao i ranijih godina JKP « 6. MART » iz Goražda radi naplate usluga individualne komunalne potrošnje, te «Goraždestan » doo iz Goražda radi naplate stanarine i korištenja zajedničkih prostorija.

U izvršnom referatu «I» kao i ranije RTF BiH se najčešće pojavljuje kao tražilac izvršenja radi prinudne naplate RTV takse , te JKP «6.MART » iz Goražda i TELECOM BiH , radi naplate svojih usluga.

Struktura primljenih predmeta u parničnom «P» referatu kao osnovnom referatu izgleda kako slijedi :

Red.br.	PRAVNI OSNOV	Broj predmeta
1.	Radni spor	179
2.	Novčano potraživanje	48
3.	Utvrdjivanje prava vlasništva	20
4.	Razvod braka	49
5.	Svojina posjeda	11
6.	Utvrdjivanje i uknjižba	11
7.	Naknada štete	26
8.	Poništenje odluke	7
9.	Brisanje uknjižbe	1
10.	Izmjena odluke o izdržavanju	3
11.	Izdržavanje bračnog druga	5
12.	Izdržavanje djece	16
13.	Dioba bračne tekovine	7
14.	Smetanje posjeda	9
15.	Činidba	1

16.	Iseljenje iz stana-smetanje u stambenim stvarima	5
17.	Određivanje staranja o djetetu	1
18.	Isplata duga	23
19.	Pravo služnosti	4
20.	Određivanje mjere osiguranja	1
21.	Nepropisno i nepravilno izvođenje građevinskih radova	5
22.	Poništenje rješenja-odluke	6
23.	Predaja u posjed	16
24.	Utvrdjivanje očinstva	2
25.	Kupoprodaja	2
26.	Dokazivanje postojanja braka	1
UKUPNO :		459

Sudije koje rade na predmetima iz ove oblasti takodje su prisustvovala određenom broju obaveznih edukativnih seminara (ispunjen minimum dana), a po Programu JU Centar za edukaciju sudija i tužilaca , a koja činjenica će sigurno uticati na poboljšanje kvantiteta i kvaliteta rada.

Struktura vanparničnih predmeta (« V ») koji su bili u radu u 2008. godini je slijedeća :

Red. Br.	PRAVNI OSNOV	Broj predmeta
1.	Obezbjedenje dokaza	31
2.	Protest mjenice	13
3.	Dioba stvari i nekretnina u zajedničkom vlasništvu	13
4.	Uređenje međa	12
5.	Sastavljanje i ovjeravanje sadržine isprava	312
6.	Pravna pomoć	5
7.	Ovjera ugovora o doživotnom izdržavanju	7
8.	Oduzimanje poslovne sposobnosti	7
9.	Dokazivanje smrti	26
10.	Produženje roditeljskog staranja	1
11.	Eksproprijacija	11
12.	Održavanje neposrednih kontakata djece koja ne žive sa istim roditeljima	1
13.	Otkaz ugovora o zakupu	1
14.	Oduzimanje roditeljskog prava	3
15.	Sastavljanje testamenta	7
U K U P N O		450

PRIVREDNO ODJELJENJE

Predmeti stečaja , likvidacije i registracije privrednih subjekata (« St » , « L » i « Reg »)

U Općinskom sudu u Goraždu ustanovljeno je i funkcionise Privredno odjeljenje (Zakon o sudovima u Federaciji Bosne i Hercegovine «Službene novine Federacije BiH» broj: 38/05.).

Članom 27. Zakona o sudovima u Federaciji Bosne i Hercegovine Općinski sudovi koji imaju Privredna odjeljenja , u prvom stepenu između ostalih nadležnosti propisanih zakonom postupaju u postupku stečaja i likvidacije , kao i u svim sporovima koji nastanu u toku i povodom provođenja postupka stečaja i likvidacije , te vrše poslove upisa u registar pravnih lica.

U privrednom odjeljenju pored dvoje sudija na poslovima registracije privrednih subjekata, kao i predmetima stečaja i likvidacije radi jedan namještenik u pisarnici suda, a na predmetima stečaja i likvidacije pored sudija radi i šef sudske pisarnice koji vodi odgovarajuće upisnike i druge knjige, te dvoje daktilografa, a što je sve planirano i određeno godišnjim rasporedom poslova.

Iz 2007. godine u 2008. godinu prenesen je 1 predmet stečaja (« St »), zaprimljena su 4 predmeta , tako da je ukupno u radu bilo 5 predmeta , od čega su završena 2 predmeta, a 3 predmeta su ostala nezavršena.

Što se tiče predmeta likvidacije («L») iz 2007. godine u 2008. godinu prenešeno je 15 predmeta , zaprimljeno je 8 predmeta , tako da je u radu bilo 23 predmeta, od čega je završeno 14 predmeta, a ostalo nezavršenih 9 predmeta.

Iz 2007. godine u 2008. godinu prenešeno je 17 predmeta upisa u registar pravnih lica («Reg»), zaprimljeno u 2008. godini 84 predmeta , tako da je u radu bio 101 predmet, od čega je završeno 86 predmeta, a ostalo je nezavršenih 15 predmeta.

Dvoje sudija, šef sudske pisarnice i jedan namještenik , koji rade u Privrednom odjeljenju takodje su prisustvovali određenom broju edukativnih seminara vezanih za postupanje u ovim predmetima , a po Programu JU Centar za edukaciju sudija i tužilaca i USAID-a.

PREKRŠAJNO ODJELJENJE

U Općinskom sudu u Goraždu ustanovljeno je i funkcionise Prekršajno odjeljenje (Zakon o izmjenama i dopunama Zakona o sudovima u Federaciji Bosne i Hercegovine «Službene novine Federacije BiH» broj:22/06.), koje je počelo sa radom 01.12.2006. godine, a u koje odjeljenje je Visoko sudsko i tužilačko vijeće Bosne i Hercegovine imenovalo dvoje sudija.

U ovom odjeljenju pored dvoje sudija rade i 3 (tri) namještenika (referent za izvršenje prekršajnih sankcija , upisničar i daktilograf).

Odjeljenje koristi 5 adekvatno uređenih i sa tehničkom opremom opremljenih prostorija.

U okviru sveobuhvatne reforme pravosuđa u BiH-a usvojena su i nova radikalna zakonodavna rješenja koja prije svega sadrže nove procedure za rješavanje predmeta iz prekršajnog područja uz **mutatis mutandis** primjenu Zakona o krivičnom postupku Federacije Bosne i Hercegovine. Nova zakonodavna rješenja usvojio je i ovaj sud, odnosno njegovo prekršajno odjeljenje čime je dalo svoj doprinos ovoj reformi.

U izvještajnom periodu ovo odjeljenje je u rješavanju predmeta primjenjivalo odredbe Zakona o prekršajima Federacije BiH procesnog karaktera, a koje su donijela nova rješenja u odnosu na ranije prekršajno zakonodavstvo.

U Zakonu o prekršajima Federacije BiH uveden je po prvi put institut prekršajnog naloga. Uvođenjem navedenog naloga evidentiran je manji priliv predmeta u ovom sudu u periodu prvih šest mjeseci 2008. godine.

Razlog toj činjenici je bio u tome što okrivljeni nisu u dovoljnom broju zahtjevali sudsko odlučivanje, tako da je veliki broj prekršajnih predmeta riješen na osnovu same činjenice izdavanja prekršajnog naloga.

Međutim, u periodu od 07.-12. mjeseca 2008. godine evidentiran je veći broj priliva sudskih predmeta po osnovu izdatih prekršajnih naloga i okrivljeni zahtjevaju sudsko odlučivanje u većem broju nego u prvih šest mjeseci 2008. godine.

Realno i objektivno je očekivati da će se i u 2009. godini povećati priliv prekršajnih predmeta u ovom odjeljenju, a po osnovu zahtjeva za sudsko odlučivanje po izdatim prekršajnim naložima.

U ovom odjeljenju se postigla efikasnost i ažurnost u obavljanju poslova na predmetima koji su bili u radu. Osim obavljanja svojih redovnih poslova učestvovalo se na edukacijama, a putem donošenja sudskih odluka i zauzimanja stavova.

Sudije ovog odjeljenja dale su značajan doprinos u pogledu praktične primjene novog Zakona o prekršajima u Federaciji BiH.

Iz 2007. godine prenešeno je („Pr“) prekršajnih predmeta 556, zaprimljeno u 2008. godini 270 predmeta, tako da je ukupno u radu bilo 826 predmeta, od čega je završeno 674 predmeta ili 82 %, a ostalo nezavršenih 152 predmeta ili 18 %.

Na žalbenom postupku kod drugostepenog suda bio je 41 predmet , od čega je potvrđeno 28 odluka, pozitivno preinačene 4 odluke, ukinuto 5 odluka, te 4 žalbe odbačene.

Dvoje sudija koji rade u ovom odjeljenju takođe su prisustvovali određenom broju edukativnih seminara po Programu koji je obavezan za sve sudije (ispunjen minimum dana), a koji provodi JU Centar za edukaciju sudija i tužilaca.

ZEMLJIŠNO-KNJIŽNI URED (« Zk-a»)

Zemljišne knjige kao javni registar stvarnih prava na nekretninama na području nadležnosti ovoga suda uništene su tokom Drugog svjetskog rata.

Nakon tog perioda nikada nisu obnovljene, niti ponovo uspostavljene iako je Zakonom o zemljišnim knjigama iz 1930. godine u tadašnjoj Kraljevini Jugoslaviji koji je zamjenio Austrougarske propise bio regulisan navedeni postupak. Jedna od mogućnosti koju je predviđao zakon je i institut polaganja isprava radi sticanja vlasništva, a koje isprave bi se kasnije koristile prilikom uspostavljanja zemljišnih knjiga.

Zemljišne knjige su ostale u nadležnosti sudova, ali sve do 1984. godine kada je stupio na snagu Zakon o katastru nekretnina i premjeru koji je ponovo regulisao zemljišno-knjižno pravo, te proceduru upisa prava na nekretninama povjerio upravnim organima, tj. katastru nekretnina.

Osnov za vođenje zemljišne knjige u Bosni i Hercegovini predstavlja Zakon o zemljišnim knjigama Federacije BiH sa svojim pratećim Pravilnicima.

Stupanjem na snagu Zakona o zemljišnim knjigama stavljen su van snage odredbe Zakona o katastru nekretnina i premjeru koje se odnose na upis prava na nekretninama, te nadležnost za upis prava na nekretninama ponovo je vraćena sudovima.

Zemljišno-knjižni ured ovog suda zvanično je otvoren 09.12.2004. godine od kada počinje sa radom.

Pravilnikom o unutrašnjoj organizaciji ovoga suda sistematizovana su radna mjesta 2 državna službenika i 2 radna mjesta za namještenike.

Donošenjem Pravilnika o utvrđivanju kriterija za određivanje potrebnog broja službenika u zemljišno – knjižnim uredima u Općinskim sudovima u Federaciji Bosne i Hercegovine («Službene novine Federacije BiH» broj: 81/07.) utvrđeni su kriteriji prema kojima se određuje potreban broj uposlenih. Shodno navedenom predložene su i usvojene izmjene Pravilnika o unutrašnjoj organizaciji Općinskog suda u Goraždu, na koji je saglasnost dalo Federalno ministarstvo pravde, a u pogledu potrebnog broja uposlenika ovog ureda. Prema navedenom predviđena su dodatna dva mjesta zemljišno - knjižnih referenata sa VSS spremom, a obzirom na broj katastarskih općina i uložaka u istim za koje je potrebno izvršiti uspostavljanje zemljišnih knjiga.

Uslovi za rad ZK-a ureda ovoga suda su na zavidnom nivou, kao i tehnička opremljenost istog.

U toku 2008. godine nije bilo personalnog popunjavanja radnih mjesta, tako da su u uredu trenutno zaposlena 2 državna službenika i 2 namještenika.

U toku 2008. godine Šefica ZK-a ureda je otišla na porodiljsko odsustvo pa je u ZK-a uredu poslove obavljao 1 državni službenik i 2 namještenika.

Ministarstvo pravde Federacije BiH je u izvještajnom periodu uredu dostavila dva printera, a u narednom periodu treba planirati jedan kopir aparat.

Ukupan broj zaprimljenih DN i Nar/Rz (ukupan broj za elektronski vođene predmete, te ručno vođene upisnike stanova i poslovnih prostora) predmeta je slijedeći:

DN predmeti prenijeti iz 2007	4
Zaprimljeno DN predmeta u 2008. godini	392
Riješeni DN predmeti u 2008. godini	389
Neriješeni predmeti u 2008. godini	7
Zaprimljeno Nar/Rz predmeta u 2008. godini	450
Riješeno zaprimljenih Nar/Rz predmeta u 2008. godini	450
Neriješeni Nar/Rz predmeti iz 2008. godine	-

U 9 „ DN „ predmeta su uložene žalbe od kojih je 6 žalbi odbijeno od strane Kantonalnog suda i potvrđena rješenja ovog Ureda, a tri žalbe su prihvaćene i predmeti vraćeni na ponovni postupak.

U 2009. godini Ured će nastaviti sa redovnim poslovima u okviru nadležnosti, s tim što pokretanje postupka sistematskog uspostavljanja zemljišnih knjiga zavisi od usvajanja izmjena i dopuna Zakona o zemljišnim knjigama Federacije Bosne i Hercegovine („Službene novine Federacije BiH“ br.19/03 i 54/04), a koje se odnose na objavu postupka novog uspostavljanja.

U toku 2008. godine ured je završio preuzimanje zbirki isprava za katastarsku općinu Hrenovica i dio dokumentacije za katastarsku općinu Donja Prača, te je izvršeno usklađivanje podataka u zemljišnoj knjizi sa rješenjima Komisije za izlaganje podataka o nekretninama i utvrđivanja prava na nekretninama Općine Pale-Prača za navedene katastarske općine.

Evidentan je i porast broja predmeta u izvještajnom periodu u odnosu na 2007. godinu, tako da je broj „DN“ predmeta u 2007. godini iznosio 288 , dok je u 2008. godini iznosio 392 predmeta , a broj „RZ“ predmeta u 2007. godini je iznosio 278 predmeta, dok je u 2008. godini iznosio 450 predmeta.

Uposlenici ZK-a ureda ovoga suda su tokom 2008. godine prisustvovali određenom broju edukativnih seminara i to:

1. „Etički kodeks za državne službenike u Federaciji BiH“, „Upravljanje vremenom i komunikacija“,
2. „Zakon o javnim nabavkama Bosne i Hercegovine“,
3. „Lokalna zajednica i lokalna samouprava , Evropska povelja o lokalnoj samoupravi, struktura i organizacija državne uprave u BiH“.

- VII –

POSLOVI OVJERE («Ov»,»Ovi» i «Ovh»)

Pored navedenih osnovnih referata ovaj sud je bio angažovan i na poslovima ovjere raznih isprava kako slijedi:

- Upisnik « Ov » zaprimljeno 1211 predmeta , svi završeni,
- Upisnik « Ovi » zaprimljeno 196 predmeta , svi završeni i
- Upisnik « Ovh » zaprimljeno 568 predmet , svi završeni.

- VIII –

**SARADNJA SA DRUGIM DRŽAVNIM ORGANIMA,
PRAVNIM LICIMA , USTANOVAMA I MEDJUNARODNIM
INSTITUCIJAMA**

U izvršavanju svojih osnovnih funkcija i nadležnosti propisanih Zakonom o sudovima u Federaciji Bosne i Hercegovine (« Službene novine Federacije Bosne i Hercegovine » broj 38/05.), sud je imao odgovarajuću i u osnovi korektnu saradnju sa Visokim sudskim i tužilačkim vijećem Bosne i Hercegovine , Sekretarijatom Visokog sudskog i tužilačkog vijeća Bosne i Hercegovine , Federalnim ministarstvom pravde, Ombudsmenima Federacije Bosne i Hercegovine , Ombudsmenima Bosne i Hercegovine Kantonalnim sudom u Goraždu, Ministarstvom za pravosudje BPK-a Goražde , Kantonalnim tužilaštvom i Kantonalnim pravobranilaštvom u Goraždu , Komesarom policije i Ministarstvom unutrašnjih poslova u Goraždu,Odjeljenjem sudske policije u Goraždu, Kazneno-popravnim zavodom poluotvorenog tipa Sarajevo-Odjeljenje u Ustikolini te Načelnicima i Općinskim službama (Općina Goražde, Ustikolina i Prača),te medjunarodnim institucijama GTZ ,Sida ,OSCE,USAID, a koja saradnja se odvijala u okviru zakonom propisanih nadležnosti.

Sigurnost i bezbjednost uposlenih u pravosudnim organima sigurno je kao i što je ranije isticano povećana formiranjem Sudske policije i početkom rada u septembru 2002. godine, kao i efikasnijem provodjenju pojedinih procesnih radnji, a naročito u krivičnom kao i drugim postupcima u skladu s odredbama Zakona o sudskoj policiji i Zakona o krivičnom postupku F BiH što sigurno utiče na efikasnost rada suda, te sigurnost uposlenih u pravosudnim organima., kao i zaštitu imovine kojom raspolažu pravosudni organi .

POSLOVI SUDSKE UPRAVE

Poslovi kojima se obezbjeđuju uslovi za pravilan rad i poslovanje suda obavljaju se u okviru sudske uprave .

Poslove sudske uprave u okviru ovlaštenja propisanih odredbama člana 31. Zakona o sudovima u Federaciji Bosne i Hercegovine ,te Pravilnikom o unutrašnjoj organizaciji ovoga suda vrši Predsjednik sud, a koji poslovi obuhvataju obezbjeđenje uslova za pravilan rad i poslovanje suda i to : organizovanje unutrašnjeg poslovanja u sudu , staranje da se poslovi u sudu vrše uredno i na vrijeme , stručne poslove u vezi sa ostvarivanjem prava i dužnosti zaposlenika u sudu , organizovanje i praćenje stručnog obrazovanja sudija, poslovi izvršenja krivičnih sankcija , finansijsko-materijalno poslovanje suda , poslovi ovjere isprava namjenjenih za upotrebu u inostranstvu, poslovi u vezi sa pritužbama stranaka na rad suda, predstavlja sud pred drugim organima i organizacijama i druge poslove određene zakonom.

Poseban zadatak uprave suda je izrada periodičnih i godišnjih izvještaja.

U 2008. godini su kontinuirano kao i ranije održavane skoro svakodnevne sjednice sudijskog kolegija na kojima su razmatrana aktuelna pitanja od interesa za rad suda, pitanja ažurnosti rada suda, kao i pitanja koja su značajna za društvene odnose i pojave iz domena sudske prakse .

Predsjednik suda je u okviru svojih zakonskih ovlaštenja propisanih odredbama Zakona o izvršenju krivičnih sankcija u Federaciji BiH uputio na izdržavanje kazne zatvora u Kazneno-popravni zavod poluotvorenog tipa Sarajevo – Odjeljenje u Ustikolini i Kazneno-popravni zavod zatvorenog tipa u Zenici 16 osudjenika.

Što se tiče pritužbi na rad sudija, stručnog saradnika, državnih službenika i uposlenih namještenika u ovom sudu u 2008. godini nije bilo evidentiranih pritužbi upućenih kako prema Visokom sudskom i tužilačkom vijeću Bosne i Hercegovine, tako ni prema predsjedniku suda.

SISTEM ZA AUTOMATSKO UPRAVLJANJE PREDMETIMA (CMS)

Općinskom sudu u Goraždu ukazano je povjerenje da bude prvi sud u Bosni i Hercegovini u kojem se uz podršku Visokog sudskog i tužilačkog vijeća Bosne i Hercegovine implementirao CMS sistem.

Zvanično implementacija CMS-a u ovom sudu je počela 02.07.2007. godine. U tu svrhu proveden je niz pripremni aktivnosti:

- Izvršena je provjera IT znanja svih uposlenika,
- Održana je detaljna prezentacija o CMS-u koja uključuje organizacione

- promjene koje u radne procese donosi CMS i osnovne funkcionalnosti koje ovaj software podržava,
- Uspješno je realizovana obuka o upravljanju CMS predmetima,
 - Ovaj sud je obezbijedio blagovremeno potrebnu količinu novih omota za predmete kako bi sam proces prepakivanja svih predmeta koji se nalaze u radu bio završen prije nego što je počela sama implementacija,
 - Sudu je distribuiran interaktivni trening materijal koji se nalazi u formi DVD priručnika, a svim uposlenicima omogućen je i pristup testnoj bazi CMS-a kako bi se na najbolji način pripremili za sam proces implementacije koristeći tehniku samoobučavanja uz neograničene mogućnosti vježbanja.

Uvođenje CMS-a podrazumijeva novu organizacionu strukturu u sudu. Suštinska promjena se događa na nivou bivših pisarnica i prijemne kancelarije. Pisarnice po odjeljenjima u potpunosti nestaju, a formira se jedinstveno spremište za predmete u kojem se čuvaju svi sudski predmeti složeni po rastućem broju bez razdvajanja predmeta po vrsti predmeta.

Elektronsko vođenje predmeta je sasvim sigurno unaprijedio upravljanje predmetima, povećalo efikasnost u radu, doprinijelo maksimalnoj iskorištenosti radnog vremena svih uposlenih u ovom sudu, a time još boljim rezultatima u radu ovog suda.

Uspješnoj implementaciji CMS-a u ovom sudu veliki doprinos su dali članovi CMS tima Visokog sudskog i tužilačkog vijeća Bosne i Hercegovine sa svojim profesionalnim i korektnim odnosom prema uposlenicima ovog suda, a naročito priznanje u tom pravcu zaslužuju svi uposlenici ovoga suda.

- XI -

USLOVI RADA

U pogledu uslova rada može se konstatovati da su isti na zadovoljavajućem i zavidnom nivou zahvaljujući prije svega izuzetnom razumjevanju i saradnji sa Ministarstvom za pravosuđe, upravu i radne odnose BPK-a Goražde i Vladi Bosansko-podrinjskog kantona Goražde.

Ovakvi uslovi su preduslov za još bolji i kvalitetniji rad , te se sa punim pravom u budućnosti mogu očekivati još bolji rezultati u radu.

Goražde, januar 2009.godine

PREDSJEDNIK SUDA :

Imamović Sead